

2017

MAO LA
(Modern Indian Language)

Full Marks - 100

Pass Marks - 33

Time : Three Hours and *Fifteen Minutes

(15 minutes are given as extra time for reading questions)*

Ano kowo hi A, B, C, D, E tto omu padei bue.

Ano kocho mark hi lopu hekhi pihithoe.

OMU (Section) – A

Mocholeshe Kophroleshe (Prose)

1. Ano kowo khru hi kola rühio :

- (a) Khetsüra koso khena hi kohibvüo kala pfota lowe ? 3
- (b) Adei vano ye kohibvü kocho duno Maomei mu hino Rolei khro (August) khrokha 27th nihi rüwe ? 3
- (c) Ikhru Kholio hino kohibvüo inulei koro (gate) sü motupraloe ? 3
- (d) Nelozü no inulei adei khei kovu chüsü inu sü ota krüwo netie ye adei yi nelowo makraso buhi hrotie ? 3

2. Kola dzübo tto rühhio :

- (a) Pinocchio no jahaz le leino koto kosho kashü khru adei dei koe ? 2
- (b) Nagamei hi kohibvüo omu kali sotholoe ? 2
- (c) Khetsüra (HIV) koso bue ticho kohibvüo sülole ? 2
- (d) Chokhromei na pfoto ikhru Kholio yi sü otamei adei sole tto mocho pfo bue ? 2
- (e) Dzüni no Nelozü yi leshü kolo thisü Dzüni no somoli kashü vo sopfü tatie ? 2

3. Azhi kola dzübo tto rüpihio :

- (a) Dakatimei ticho lathe hi adei tiwe ? 1
- (b) Athehei yi no Nagamei movuo tto sapie ? 1
- (c) AIDS kosora hi adei sowo no “Khetsü” kodors tto kole ? 1

OMU (Section) – B

Chashila (Poetry)

4. Ano kowo khru hi kola rühhio :

- (a) “Chanimoë” ticho chashila lei hi Kashio no motsü sü adei pewe ? 3
- (b) “Ai tathotie.....ache loshüë” lathe sü Kashio hino adei pewe ? 3

- (c) Kashio hino “chrükhrito” vano Maomei he adei yi pemanewe ? 3
- (d) “Opropa mamei kazhü” vano Kashio no adei pemosüwe ? 3
5. Kola dzübo tto rühio :
- (a) Kashio hino “Okhro” hi kolei lowo adei mocho buwe ? 2
- (b) Izhoko nakhrumei no adei solo motie, ticho vano Kashio mazhi sü rühio ? 2
- (c) Nino mozhu nelomo kobu ye “nelomo kobu” sü adei yi koe ye adei vanoe ? 2
6. Masabu lei hi olapo pfotho olako somo mochuhio :
- (a) Chanimoë _____ veizühio. 1
- (b) Chühelei kolo chükhrito khruno _____ kobumei yi makeiwe. 1

OMU (Section) – C

Olalu (Grammar)

7. Maomei chüdachü khru hi adei vanoe lathe rüpihio : 1×3=3
- (a) Nopfümei no orarolie osi da kocho so.....
- (b) Olei no pizhü krü kocho so.....
- (c) Osi no opra sowo kokru kocho so.....

8. Olapo khru hi lathe rühio : 1×3=3

(a) Achadzü achazhi.....

(b) Anghoshe kocho.....

(c) Ahridzü ahremo.....

9. Olako khru hi machiso rü mozühio : 1×3=3

(a) Chovo moli mazhi lohrae.

(b) Soma khri moli itsü pfülo chomoe.

(c) Imei hi tokoru duno hrüwe.

10. Olapo khru hi lathe krükrüwo azhi kali rühio : 1×3=3

(a) Amono....

(b) Kazhü....

(c) Kachi....

11. Olako khru hi anokocho lei hi kodapra rühio : 1×3=3

(a) Achüchumei yi hi omei thopfü no itsü mokhroe.

(b) Maola rüpra kolo hi chovoshue.

(c) Omei kashümei yi akuo ovo koso hi mashie.

OMU (Section) – D

Phrowo korü (Reading)

12. Akhrupei pikowo oko hi phrolowo ano kowo khru hi kola rühio :

Deni nile opfo ope no soso oru sowo inu kali no kali leimei yi apidu apiva pfo opi vakava pfo hrüprae timosü. Oru kozü kocho chülu kali hesü netomei kali yi orumei süno zülo leto helotie. Netopei süno tithiti ai hi orumei dzüno choholi kosoeh tapralo hroe ; ai hi kohibvü loli chorü lole tto mocho pfo butie. Sühe süno, pfono pfo mani hrükhru chükhei bilowo chuta hieh, orumei khru sü odzü azholo, nülü ye ahrelowo kobu he süno lopei süno chorülotie. Sütowo orumei süno netopei hi icho cho mochopra ngha ngha kocho bushe ticho süloe.

Süthisüeh chülu kali he netomei kali yi sü orumei süno helowo zülöle tto chotie. Ana orumei khru süno netopei hesü 'ni thenapei koe, nipfo zhu ye niprow khru zhu pehio tto anotie. Netopei süno pfo chorülo koru duno, ai inulei oru kazhü zhülei napei süe ye aprow khromeieh oru kazhümei kokhri koe tto pehilie, orumei süno pfoyi sü zümo thewotie. Oko hilei hino sükolo sü netomei hi itsü mocho süte tiwe.

(a) Orumei süno helo tilie netopei süno adei yi mochotie ? 2

(b) Netopei hi kohibvüo orumei dzü chorülotie ? 2

(c) Orumei süno netopei hesü adei yi anotie ? 2

- (d) Netopei süno chorülo koru duno adeito pepie ? 2
- (e) Oru kozü kocho chülu chü orumei no adei söwe ? 1
- (f) Netopei no pfo mani hrükhru bilowo chukata sü orumei no adei sote ? 1
- (g) Orumei no netopei yi süno adei sote tiwe ? 1
- (h) Adei vano netopei süno ai oru kashü nakoe tto pewe ? 1

13. Khetsü (AIDS) ticho hi Maola no chohili thopfü koso dzüno somazhü pilo kahra moeh somazhülo koru opro darü hi hoe tiwe. Hihi ohrü aru sopra kowo moeh adochu prakowo moli chüdodekhra prakowo netona ye pfontona khru hi ohrü zhüwo ye koso kono somo hrülo koru duno motsüso rüprae. Koso hina hi adochu prakowo nolumei tava hi choho kashü prati koru okheprü ticho sü khetsüra koso hi motsü tsülei kalie. Süpilai süno World Health Organization (WHO) hino adochu prakowo netona ye pfontona khru hi motsüso kosora hina hi telomo koru duno koleiwo chüku ileo moli kashü vano ojüphe shawo mosü mochowe. Khetsüra koso tikocho hi Khrista mopfu 1941 ko hino ojüphe vulotie ye kosora hina hi HIV ticho khena kali prawe ticho hi Khrista mopfu 1983 ko tino pfophra loe ye süloe.

Kosora hin hi kala pilo koru lijü kosü bue tiwe. Sükhru sü, karina adochu prakowo netona ye pfontona maricho chü chokhru sowo abuzü kocho vano kala pfo kata, hihi nothuwo nghi komo leino akuo obu ozü azhuwo kama kashü koso no pewe. Kahei na, opro darü kashü kotomei no ova kareprü pfo re azhu kocho vano ye kosüna omei vano ozhi pfotho kocho chü hi khena

sü buho bumoe ticho kolei lomo ozhi sü pfova retho kapi lei süno kala pfo tatiwe. Hidu hino ojüphe chusovo WHO hi khetsüra koso hi nulomei yi duno ileo moli kashü sü adochu prakowo neto pfoto kasa kocho abuzü kocho lei sü raku kashü tahi pralo kahra sü chütule.

- (a) Khetsü ticho sü adei tiwe ? 1
- (b) Adochu khra sü adei tiwe ? 1
- (c) Pikowo oko hi 'ochübi' pfopra lowo 'oko motsü' — substance sü adei rüprahio. 4
- (d) Khetsü koso kohibvüo kala pfo tawe ? 2

OMU (Section) – E

Rükapra (Composition)

14. Akhrupai pihi kotho ochübi va hino nidzü kapa kali kodolowo olapo 80/90 rühio.
- (a) Maomei no kohibvüo "SALENT" maniwe. 6
- (b) "Chüthuni" hi adei tiwe ye kohibvüo maniwe. 6
15. Mapechü kali nidzü kapa kali kodolowo rühio :
- (a) Manipur lei Education Director hehi larübvü (textbook) hi machiso prapi komo va duno kotho kola soprapio tto kokho vano mapechü kali rühio. 6

(b) Sangai Express rükaprao (editor) hekhi nino marichü rütho kapi ti machi leino mapra pimote ticho vano mapechü kali rühio. 6

16. Nino onghi no kane izhode kobrü hi amazhi ye achovo vano oko larü (newspaper) leihi olapo 100 kotu rüprahio. 8

